



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Archidiaconvs.

urn:nbn:de:hbz:466:1-30427

rest delegari clerico, & laico: quia vt dicit Ioan. Andr. in d.c. per tuas arbitrium de re spiritali non est actus spiritalis, ideo in clericum, & laicum compromitti potest. Iudicare vero in causa spiritali, est quid spirituale: vt in c. quanto. de iudic. cuius iuris spiritalis laicus non est capax, etiam cum clerico associatus, vt in c. massana. de electio.

¹⁴ In rebus temporalibus compromittere possunt clerici in laicos, secundum Inno. in d.c. cōtingit & facit ad hoc. c. dilecti. de arbit.

¹⁵ LAICVS etiā potest esse assessor iudicis ecclesiastici: vt cōmuniter tenent Doct.

¹⁶ QVAMVIS iudex, vel arbitrer cū bona conscientia non possint tollere vni, & dare alteri, quia tenentur reddere unicuique, quod suum est, hoc tamen possunt arbitratores, quia cōguntur ad componendum inter partes, tanquam boni viri, dummodo enormiter non lādant: secundum Panor. in d.c. Quintauallis. vt suprà dictum est. §. 3.

¹⁷ ARBITER permittens pertrāsire tēpus, tenetur partibus. Facit quod no. l. fin. C. de contrahend. emptio. intellige si ex dolo, vel lata culpa hoc facit, aliās non: nisi se obtulisset. quia tunc etiam de leui tenetur. Et multo magis tenetur ad restitutionem, si ex dolo, vel lata culpa, iniustā sententiam protulit: & etiam ex leui, si se obtulit: egit enim scienter contra iustitiam proximum damnificans.

¹⁸ Si duo arbitri non concordant, compelluntur per iudicem eligere tertium. c. speciali. de arbit. non autem sic de arbitratoribus: vt consulerunt quidam sapientes. quos refert Bald. & Panor. in d. capit. Quintauallis. recitat.

¹⁹ ARBITER ex quo semel pronūciavit super toto, seruando formam compromissi, non potest mutare sententiam suam: secundū Pa. vbi suprà, siue bene, siue malē pronuntiauerit. Finitus est enim officio suo. l. diem. ff. de arbit. Idem videntur Doctor.

concludere de arbitratore, licet sint opinioniones circa hoc.

²⁰ De conditionibus arbitratorum & differentia inter iudicia & arbitria, relinquo causi dicis considerare, tamē vide Tab. ibi. §. 13. & 15. multa alia ponunt summittz, quæ ad negotium animæ non pertinent. De his omnibus qui vult plenius informari, videat Panor. in d. ca. Quintauallis. peccant tamen arbitri, & arbitratores, si dolo, & contra conscientiam iustum nō iudicant, & non seruant æquitatem: vt sciunt. Etiam tenentur patri lase in conscientia, quia contra æquitatem, vel iustitiam eam lase runt: secus si rationaliter pro bono pacis partium.

ARCHIDIACONVS.

¹ ARCHIDIACONVS, quasi princeps ministerij, omnia, quæ ad ministerium pertinent, ipse tradit, sicut careum, & vrcum acolyto: secundum Th. 4. sen. d. 2 §. a. 1. ad 3.

² QVAMVIS Archidiaconus de iure multa possit, tamen quia constitutiones, & consuetudines in diuersis locis in officiis sunt: secundum Inno. in c. 1. de offic. archid. & in c. cum olim. de consuetu. ideo in officio suo faciet: secundum quod consuetudo præscripta suæ ecclesiæ habet. vbi autem non est consuetudo, vel statutum, locum habet. c. tituli. de offi. arch. secundum Innocen. Et si post Episcopum, est vicarius in omnibus, & habet curam in clero, tam in vrbe, quam in parochijs habitantibus & debet de tertio in tertium annum, si Episcopus non potest, visitare vt in d. cap. 1. debet auscultare Euangelium, Epistolam, & Responsoria, quæ nullus debet cantare, nisi prius auscultatus, & iussus ab eo, cæroferariisq; ordinare. eo. tit. cap. 2. Et nisi pro posse prouideat, tenetur, si quid ex sua negligentia, vel alterius fraude, de rebus ecclesiæ perijt. in d. cap. 2. Clericos ad ordines sacros promouendos, illius interest examinare. c. ad hoc eod. titu. Abbates, & Abbatissas in sede collocat. ca. ad nostrum. eod. tit.

³ INTERROGANTE Episcopo dū presentantur ordinandi, scis hos esse dignos: Si respondeat Archidiaconus, scio, quantum humana, &c. & ordinandi sunt presentati a probis hominibus, & ipse nescit quid mali, vel impedimenti, non peccat: secundum Innocen. in capit. vnico. de seru. in ordi. faci. ar. de præsumpcio capit. dudum. Si verò scit aliquod de eo malum, quod est secretum, debet obtinere a prælato: vt eo absente faciat ordinationes, quod si sine scandalo non potest, non peccat, sic respondendo: quia dicit vt minister tantum ecclesie, quæ de occultis nihil scit: aliter tacendo crimen publicaret illius. Si verò tale crimen esset publicum, mortaliter peccaret sic dicendo. 22. q. 2. cap. primum. Si tamen illud crimen mortale esset, secus si veniale, vt. §. criminis 25. d.

⁴ ARCHIDIACONVS licet de iure multa possit, tamen vt dictū est, stabitur cōsuetudini præsriptæ, vt supra §. 2.

⁵ ARCHIDIACONVS, qui præsentaui aliquem ordinandū sine titulo, & non habet vnde viuat, tenetur ei prouidere: vt dicit gloss. in dicto cap. ad hoc aliter tenebitur Episcopus, qui eū ordinauit, quia debuit videre, quis, a quo, & ad quem titulum præsenteretur de xra. & qual. ordi. cap. accepimus ne contingat eū mendicare in opprobrium ordinis clericalis. Si autem fecit eum ordinari ad titulū sui patrimonij, quem non habere sciebat, vel non sufficiens, agetur primò contra Archidiaconum, qui fuit in dolo: secundò contra Episcopum, qui fuit in culpa. Quod si ordinandus mentitus est, dicens se patrimonij habere, ei imputetur, & hoc placet Host. si solus est in dolo. Qui verò ad titulū suæ paupertatis se ordinari fecit, & promoueri, illam sequatur, vt mendicantes. infra. Beneficium. §. 11.

⁶ ARCHIDIACONVS peccat, si est negligens in examinando, si ignorantes, & nō idoneos admittit, vel ex amicitia, vel munere, vel humano respo-

ctu. infra. Simonia. §. 32. ordo. §. 1.

⁷ ARCHIDIACONVS non tenetur se facere promoueri in sacerdote, sed satis est, quod sit diaconus: vt in c. 1. de xra. & qual. or.

⁸ ARCHIDIACONVS Bononiensis. vt not. Abb. in ca. fin. de offic. ordi. in gloss. fin. gloss. singularis. ex priuilegio absoluit excommunicatos in studio Bonon. commorantes, & ibi delinquentes propter violentiam manuum iniunctionem in clericum, & hoc sequitur Ioan. Andr.

⁹ ARCHIDIACONVS Bon. confert gradum doctoratus ex priuilegio Honorij tertij: vt dicit glo. in clem. 2. ver. suspensum. de magistris. Præsente Episcopo diocesi non potest Archidiaconus literas commendatitias dare promouendis ad ordines vt in ca. significasti. de offic. Arch. Secus si est absens Episcopus, & necessitas vel utilitas ordinandorum suadeat: quia Episcopo absente, eius vices supplet, c. 1. eod. tit.

ARCHIEPISCOPVS.

¹ ARCHIEPISCOPVS est index, ordinarius omnium Episcoporum suæ prouinciæ, de communi iure: scilicet c. 1. in c. pastoralis. de offic. ordi. & sufficit quod habeat decem Episcopos sub se: vt in c. scitote. 6. q. 3. licet non sit necessarium.

² ARCHIEPISCOPVS potest cognoscere de crimine Episcoporum, & eos punire: vt in c. sacro. de septuag. excom. non tamen potest eos deponere: hoc enim soli Papæ seruatur: vt in c. 2. de transact.

³ Ad Archiepiscopum pertinet tollere malam consuetudinem de sua prouincia, & contra illam obseruantem, excommunicationem fulminare: secundum Innoc. quem sequitur Pa. in c. ex frequentibus de instit.

⁴ ARCHIEPISCOPVS suā prouinciā visitare potest, quāuis eius suffraganei non sint negligētes, & iterare visitationē, & procuraciones recipere, nō obstat cōtraria cōsuetudine. & dū visitat suffraganeorū suorum confessionem recipere, absolvere, pœnitentias.

d tias.